



Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 29. Sacra Expeditio male vertit.

[urn:nbn:de:hbz:466:1-66377](#)

Sæcul. XII. ubi ab hostibus facillime vinci possent.
A. C. 1147. Tempore, quod Græculi præstituerant, consumto, Rex Conradus jurgari cœpit, quod adhuc procul ab Iconio hærerent. Et illi affirmare, quod intra triduum civitatem Iconensem visuri essent. Sed, malum! nocte sequente fuga se se proripientes, Germanorum exercitum in sterili regione & impervia destituunt, cum nec unum hominem in tanta multitudine reperire esset, qui modum aut viam evadendi sciret.

§. XXIX.

Sacra Expeditio male vertit.

Sultanus Iconensis Turca Seliucida, ^a Manuele Imperatore per nuncios monitus, universas vires collegerat, quibus Crucigeros exciperet. Tunc ergo in Germanos cum equis suis inedia usque adeo debilitato, ut vix armis portandis sufficerent, irruit. Atque ita de exercitu septuaginta millium virorum gravis armaturæ & peditum infinita prope multitudine vix decima pars ferrum hostium evasit. Hanc cladem Crucigeri mense Novembri anno millesimo centesimo quadragesimo septimo acceperunt. Rex Conradus, fuga elapsus, Nicream se recepit, ubi Regem Ludovicum habuit, qui paulo serius ac Conradus Constantinopolim perveniens, & hum

c. 22.

manissime

manissime exceptus fretum cum exer- Sæcul. XII.
citu trajecerat. Inde cum ambo Reges A.C. 1148.
Ephesum usque junctis agminibus iter
fecissent, Conradus Constantinopolim
reversus est, ibi hyematurus. Ludo-
vicus Francorum Rex, usque ad Mæandri
ripas progressus, primo prælio Turcas
fudit; postmodum vero cum copias
longo terrarum spatio divisas duceret,
postremum suorum agmen totum ami-
sit, mense Januario, anno millesimo
centesimo quadragesimo octavo.

c. 26.

Tum mutilato exercitu Antiochiam
pervenit, ubi Regem Raimundus Prin-
ceps summo honore recepit; sperabat
enim, se ejus viribus adjutum Principa-
tus sui fines proferre posse. Sed Rex in
itinere Hierosolymam suscepto retardari
non ferens ajebat, nihil antiquius
sibi esse oportere, quam voto suo se se
exsolvere. Ita Principem Antiochenum
acriter offensum reliquit. Rex Conra-
dus vero, hyeme Constantinoli trans- Chron. Sax.
acta, itinere maritimo Acriam delatus an. 1147.
est, unde Hierosolymam petiit. Cum-
que sub idem tempus Alphonsus, Co-
mes Tolosanus, in terram Sanctam ap-
pulisset, paulo post, veneno, ut fere-
batur, accepto, Cæsareæ extinctus est.
Ceterum ubi nunci, Regem Franciæ
advenire, monuerunt, Hierosolymitani
Fucherium Patriarcham ad eum mittunt,

G 4 timen-

Sæcul. XII. timentes ne vel Antiochiæ vel Tripoli
A.C. 1148. moras traheret. Nam Rex Hierosolymæ,
cunctique Latini in Oriente Principes,
maximam spem de adventu utriusque
Regis conceperant. Igitur postquam
ambo Reges Saera loca invisentes edita
vota implevissent, indictis Acriæ Co-
mitiis generalibus, ad deliberandum
conveniunt, qua potissimum ratione bel-
lum Infidelibus inferendum esset.

In illo Conventu adfuere Rex Con-
radus, Otto Episcopus Frisingensis, ipsius
frater, Stephanus Episcopus Metensis,
Henricus Episcopus Tullensis, Comitis
Flandriæ frater, Theotinus Legatus Papæ
apud Conradum Regem. Ex Germano-
rum Principibus, Henricus Dux Austriæ,
Regis frater, Fridericus Dux Sueviæ,
ejusdem nepos & complures alii. Ex
Francis aderant Rex Ludovicus, Geo-
fridus Episcopus Lingonensis, Arnul-
phus Episcopus Lexoviensis, Guido Flo-
rentinus Cardinalis Legatus Papæ. Prin-
cipes Laici, Robertus Comes Drœcen-
sis Regis frater, Henricus ejus Gener,
Comitis Campaniæ filius, Theodoricus
Comes Flandriæ, Regis Hierosolymæ
affinis, & plures alii. Rex Hierosolymæ
quoque Baldinus tertius cum Regina Meli-
senda Matre sua his Comitiis intererat.
Præterea Fucherius Patriarcha, Baldu-
nus Archiepiscopus Cæsariensis, Rober-
tus

Tyr.
Lib. XVII.
c. I.

ad. nov.
ad. nov.

tus Archiepiscopus Nazarenus, quinque Sæcul. XII.
 alii Episcopi Latini in Palæstina, Ro. A.C. 1148.
 bertus Magister Equitum Templario-
 rum, Raimundus Magister Equitum
 Hospitaliorum, & quidam Principes
 Laici. In hoc conventu statutum est
 Damascum obsidere, & dies, qua con-
 fluenter copiæ, Tiberiade vigesima quinta
 Maji præstituta.

Ergo Damascus milite cingitur & ad
 tantas redigitur angustias, ut jam incolæ
 fugam meditarentur; cum data pecunia
 quosdam ex Latinis ad proditionem pel-
 lexerunt, qui tetra perfidia ceteris per-
 suaserunt, aptiorem, ut mentiebantur,
 castris locum ex parte adversa esse deli-
 gendum; ubi deinde deficiente com-
 meatu obsidionem solvere coacti sunt.
 Præterea Flandriæ Comitis & Principis
 Antiochiæ mutua invidia hanc expedi-
 tionem sufflaminasse dicebatur; quippe
 uterque Dominium Damascenæ civitatis,
 si caperetur, ambiebat. Nec mora, Rex
 Conradus in Germaniam iter ingredi-
 tur. Rex Ludovicus, postquam reliquo
 illius anni tempore in Syria commora-
 tus fuisset, & Hierosolymæ Festa Pa-
 schalia anni sequentis millesimi centesimi
 quadragesimi noni celebrasset, in Fran-
 ciam rediit (*). Hic fuit secundæ pro-

G 5 fectionis

(*) Rex Francorum Ludovicus cum suis non
 consenseret tam

Sæcul. XII. fectionis in Palæstinam infortunatus exi-
A. C. 1148. tus. Exinde Res Latinorum, in Oriente
degentium, in deteriora ruere cœpe-
runt; cum enim jam experti essent In-
fideles, summos conatus illorum Prin-
cipum, qui inter Christianos potentissimi
habebantur, in cassum cecidisse, de-
victos vilipendere & ridere cœperunt,
quorum antea vel solis nominibus auditis
expavescebant.

§. XXX.

Sacri Milites Saxones.

Haud multo magis favente fortuna Sa-
crum bellum contra Paganos in Se-
ptentrione positos gestum est. Nam il-
lud quoque auctore Papa & quibusdam
viris Religiosis prædicantibus suscep-
tum, eo consilio, ut illi populi superbas cer-
vices sub jugum Christi flectere com-
pellerentur, vel omnino extirparentur.
Expeditionis Sacræ duces se præbuerunt
Fride-

Chronogr.
Sat.
an. 1148.

Saxo
Gramm.
lib. 13.
p. 229.

tam flagitiose proditus ac vexatus fuisse a Græcis
legitur ac Conradus Imperator. Cujus rei ra-
tio haud dubie est, quod Græcorum Impera-
tore magis ab Imperatoribus Romanorum quam
a Regibus Franciæ sibi timerent, memores, nulli
Principum Occidentis id juris esse in omnes
provincias, quæ olim Romani Imperii partes
extitissent; si illud Germani Imperatores re-
petere voluissent.